

OKVIRNI SPORAZUM
za pružanje usluga servisiranja i održavanja liftovskog postrojenja
Ustavnog suda Bosne i Hercegovine

između:

1. **USTAVNI SUD BOSNE I HERCEGOVINE** – ul. Reisa Džemaludina Čauševića br. 6/III, Sarajevo, koga zastupa generalni sekretar Ustavnog suda Bosne i Hercegovine Nataša Vuković (u daljem tekstu: **Naručilac**)
2. **LIFTMONT d.o.o.** - ul. Milana Preloga br. 17, Sarajevo, kojeg zastupa direktor Aida Hodžić (u daljem tekstu: **Izvršilac**)

I – PREDMET UGOVORA:

Član 1.

Predmet ugovora su poslovi na pružanju usluga servisiranja i održavanja liftovskog postrojenja **Naručioca**, u svemu prema tenderskoj dokumentaciji broj SU-08-284-4/24 od 15. marta 2024. godine i Ponudi broj P-315-24 od 25. marta 2024. godine, sa kojom je **Izvršilac** učestvovao u provedenom postupku nabavke putem konkurentskog zahtjeva za dostavljanje ponuda i rezultatima održane e-aukcije.

II – OBAVEZE IZVRŠIOCA:

Član 2.

Izvršilac je obavezan da za usluge na redovnom mjesečnom održavanju i servisiranju liftovskog postrojenja **Naručioca** izvrši slijedeće: probnu vožnju, kontrolu, čišćenje, podmazivanje liftovskog postrojenja ili pojedinih elemenata, podešavanje liftovskog postrojenja za kvalitetan i bezbjedan rad, nakon izvršenog servisiranja isto evidentira u knjigu održavanja lifta i vrši zamjenu potrošnog materijala.

Izvršilac je obavezan da jednom u toku ugovornog perioda obavi godišnji tehnički pregled lifta, te izda potrebnu dozvolu za korištenje istog.

U slučaju kvara lifta i na poziv **Naručioca**, **Izvršilac** je obavezan da identificira kvar i dostavi pismenu specifikaciju potrebnih radova odnosno dijelova koje treba zamjeniti i procjenu cijene koštanja (dijagnostika), najkasnije u roku od 7 dana od izlaska na lice mjesta i utvrđivanja kvara.

III - OBAVEZE NARUČIOCA I IZVRŠIOCA:

Član 3.

Naručilac je obavezan da Izvršiocu omogući neometan pristup svim dijelovima liftovskog postrojenja.

Usluge mjesečnog servisiranja lifta i redovnog godišnjeg tehničkog pregleda Izvršilac će vršiti redovno, po utvrđenom rasporedu.

Usluge dijagnostike u slučaju kvara, Izvršilac će vršiti izuzetno i isključivo po posebnom zahtjevu Naručioca.

IV – CIJENA:

Član 4.

Okvirni sporazum se zaključuje sa procijenjenom vrijednosti, u iznosu do 2.500,00 KM bez uključenog PDV-a, odnosno 2.925,00 KM sa uključenim PDV-om.

Za pružanje usluga iz članova 1. i 2. ovog okvirnog sporazuma, utvrđuju se slijedeće cijene prema ponudi Izvršioca i rezultatima održane e-aukcije:

- Cijena redovnog mjesečnog servisiranja lifta iznosi 16,45 KM bez uračunatog PDV-a jedinično, što za ugovorni period od 12 mjeseci iznosi 197,40 KM bez uračunatog PDV-a.
- Cijena redovnog godišnjeg tehničkog pregleda i izdavanja upotrebne dozvole iznosi 34,90 KM bez uračunatog PDV-a.
- Cijena dijagnostike u slučaju kvara iznosi 9,70 KM bez uračunatog PDV-a jedinično.

Ukupna plaćanja na osnovu izvršenih svih pojedinačnih usluga po zahtjevima Naručioca na osnovu ovog okvirnog sporazuma ne smiju prelaziti procijenjenu vrijednost nabavke iz stava (1) ovog člana.

Naručilac usluga zadržava pravo potpune ili djelimične realizacije nabavke usluga do ukupne planirane vrijednosti.

V – PLAĆANJE:

Član 5.

Za sve izvršene usluge u okviru ovog ugovora Izvršilac će ispostavljati odgovarajući račun za svaki izvršeni posao, ili zbirni račun za više izvršenih poslova, a nakon što je ovjeren od strane ovlaštenih lica Naručioca da je usluga obavljena.

Član 6.

Naručilac je dužan da fakturu za izvršene usluge proslijedi na plaćanje Trezoru BiH odmah, a najkasnije u roku od 30 dana od dana prijema iste bez primjedbi.

Sve poreske obaveze moraju biti uključene i posebno iskazane u sklopu ispostavljenog računa.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

VI – GARANCIJA I REKLAMACIJA:

Član 7.

Izvršilac garantuje da će sve radove i usluge utvrđene ovim ugovorom obavljati stručno, savjesno i kvalitetno.

Izvršilac garantuje da je rok odziva na poziv najkasnije 2 sata od usmenog ili pismenog poziva Naručioca.

VII – OSTALE ODREDBE:

Član 8.

Okvirni sporazum se zaključuje na period od 12 mjeseci a stupa na snagu danom potpisivanja ovlaštenih lica ugovornih strana.

Svaka od ugovornih strana može otkazati ovaj okvirni sporazum pismenim putem, uz otkazni rok od 30 dana. Početak otkaznog roka počinje teći od prvog dana idućeg mjeseca u odnosu na mjesec u kojem je okvirni sporazum otkazan.

Član 9.

Za sve ostale slučajeve i eventualne situacije koje nisu regulisane ovim okvirnim sporazumom, primjenjuju se odredbe Zakona o obligacionim odnosima u BiH.

Član 10.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 11.

Ovaj okvirni sporazum je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.


ZA IZVRŠIOCA

Aida Hodžić
Direktorica

LIFTMONT
d.o.o.
SARAJEVO

Broj: 24-UG-2024
Datum: 07.05.2024.

ZA NARUČIOCA

Nataša Vuković
Generalni sekretar

Ustavnog suda Bosne i Hercegovine

Broj: SU-08-284-12/24
Datum: 30. aprila 2024. godine